

## **SHAKULK L MAMA IS i NWISHA**

*(Waheenee, Buffalo Woman, 1921)*

Awnash t mamawisha. Chaawk'a iwa tsul i m ku iwinat.  
**Aw ilaamsha niimi tiinawit.**

Pina-pxwinuun-xaash, mishxashat kwyaam kuuk wacha  
wak'ish? *Chaaw-nash awku mishkin laakta inmi miimawit  
txanat.*

Pamuun nash taxshixa maytski, anaku anatshamta Aan,  
kush atxa, kush winaxa tamaniksh-kan. Kwnak nash  
la-wak'wi tixa st'axs waakul- kush awalptaykani-xa piinak  
walptaykt. Atash kush kuxana ashku wacha iksiks ttawaxt.  
*Chaawk'a shin itmaaksha niimi walptaykt st'axswaakul pama.*

*Kushxi anashtipa, anaku Aan i-tinaynakshayksh tuxin-pa ku  
sts'at-in patamtl'umx-sha tiicham-nan; ak'inun-xaash  
lawiishk'ishish-pa tiinma pa-nichip-nichip-sha nishayaas-pa.  
Ts'xwiili-knik alawilat-sha lat'ilkt. Ku kwnak ts'aapa Wana  
i-xapaawi-sha nch'ki. Kwnak awinshma pa-waykw'an-  
waykw'an-xa. Ts'aapa, miyanashma pa-tiyat-tiyat-sha..  
Anakush iwacha miimi!*

*Anach'axiish ak'inunxa lawiishk'ishish-nan kush aykin-xa  
sinwisiwit-yaw Wana-nan, kush xatamkanwi-xa inmi  
lp'uul. Niimi tiinawit, ashkush ashukwaa-shana miiwi,  
i-wiyatl'uxwin tmiinwa.*